



Sardigna

Una Regione a Istatutu Ispetziale



Traballu a cura de s' Istitutu Chircas – annualidade 2024 –
Finanziadu dae sa RAS cun sa L. 482/99 e sa L.R 22/2018



ITE EST

UNA REGIONE


A ISTATUTU ISPETZIALE?

Una regione a istatutu ispetziale est una regione de sa Repùblica Italiana chi at formas e cunditzones de autonomia particulares.

In Itàlia sunt chimbe sas regiones cun istatutu ispetziale aprovadu dae su Parlamentu cun una lege costitutzionale, e sunt **Sardigna, Sitzìlia, Valle d'Aosta, Friuli-Venètzia Giùlia e Trentinu-Südtirol (chi a nàrrere sa veridade est costituìda dae sas provìntzias autònomas de Trento e de Boltzanu).**



**Giai dae su 1948, s'artìculu 116
de sa Costituzione at
prevìdidu cunditziones
ispetziales de autonomia pro
s'ìsula nostra e pro custas
àteras bator regiones.**




ISTATUTU DE SA REGIONE SARDIGNA

**S'Istatutu ispetziale, dat sa
possibilidade a sa Regione Sardigna
de pòdere fàghere leges in manera
autònoma subra a sas matèrias
mentovadas in s'Istatutu (pro
fàghere carchi esèmpiu: edilìtzia
urbanìstica, massaria, pastorìtzia,
chirca e formazione professionale e
àteras)**



ITE DISCIPLINAT S'ISTATUTU?


**S'Istatutu disciplinat sos tres òrganos de s'istrutura
rapresentativa e costitutzionale de sa Sardigna:**




ITE EST SA GIUNTA REGIONALE ?

Sa Giunta est s'òrganu de governu de sa Regione.

**Est formada dae su Presidente e dae dòighi Assesores,
chi sunt numenados dae su Presidente.**



**Su Presidente, est
elègidu a sufràgiu
universale e diretu,
paris a s'eletzione de su
Consizu Regionale.**



**Su Presidente, podet detzìdere in
manera autònoma de revocare sa
dèlega a sos sìngulos Assessoros e de
nde numenare sos sostitutos.**

PRO CANTU TEMPUS GVERNAT SA GIUNTA?

**Sa Giunta regionale
restat in càrriga
pro sos **chimbe**
annos de sa
legisladura**


→ **nde ruet**

**si sa majoria de su
Consizu Regionale
detzidet de votare
sa derruta de su
Presidente.**

**in casu de dimissiones
e morte de su
Presidente,
mandende, in custa
manera, su pòpulu a
eletziones noas.**

CALE SUNT SOS CÒMPITOS DE SA GIUNTA?

**Dat s'indiritzu polìticu,
amministrativu, econòmicu de su
Guvernu.**



**Aprovat sos disgnos de lege chi ant a
èssere presentados a su Consizu
regionale, sas delìberas subra sas fainas
de sos entes, istitutos e aziende
regionales e averìquat chi fatant su
traballu issoro.**

COMENTE EST CUMPOSTA SA GIUNTA DE OE?

Sos Assessoros ant unu ramu de cumpetèntzia ispetzìficu e si òcupant de su funtzionamentu de sos ufìtzios e de sos servìtzios de s'Assessoradu chi lis est istadu assignadu. Sa Giunta de como est cussa chi sighit:


- **Alessandra Todde** - Presidente
- **Giuseppe Meloni** - Vizepresidente - Programmazione, Bilantzu, Crèditu e assentu de su territòriu;
- **Mariaelena Motzo** - Afares generales, Personale e Riforma de sa Regione;
- **Francesco Spanedda** - Entes locales, Finàntzias e Urbanìstica;
- **Rosanna Làcana** - Amparu de s'ambiente;
- **Gian Franco Satta** – Massaria e Riforma agro-pastorale;
- **Franco Cuccureddu** - Turismo, Artesania e Cummertziu;

- **Antonio Piu** - Traballos pùblicos;
- **Emanuele Cani** - Indùstria;
- **Desiré Alma Manca** - Trabballu, formazione professionale, cooperatzione e seguresa sotziale;
- **Ilaria Portas** - Pùblica istrutzione, benes culturales, informatzione, ispetàculu e isport;
- **Armando Bartolazzi** - Igiene e Sanidade de s'assistèntzia sotziale;
- **Barbara Manca** – Trasportos

ITE EST SU CONSIZU REGIONALE?


**Su Consizu Regionale est s'òrganu
legislativu e de rapresentàntzia
polìtica de sa Regione.**

**Est elègidu ogni chimbe annos e
est costituitu dae unu presidente
e dae 60 consizeris, chi
rapresentant, in manera
proportzionale sa populatzione de
sas provìntzias in sas cales est
partzida sa Sardigna.**



ITE FAGHET SU CONSIZU REGIONALE?

**Su Consizu Regionale aprovat sas
leges regionales e at sa
facultade de modificare e
aconzare s'Istatutu de sa
Regione**



SU PRESIDENTE DE SU CONSIZU REGIONALE.


Su Consizu regionale eleget su presidente in sa prima setziada de sa legisladura. Isse est su rapresentante de totu s'Assemblea sarda e est su garante curretu e indipendente de sos diritos de sos cunsizeris regionales. At su còmpitu de cunvocare su Consizu, moderare sa discussione, amministrare s'Assemblea, impònneru su rispetu de su Regulamentu internu



SAS CUMMISSIONES CONSILIARES.

Su Consizu est partzidu in ses Cummissiones permanentes, formadas dae sos consizeris regionales. Sas Cummissiones ant su còmputu de averiguare e in casu finas de mudare sos progetos de lege presentados dae sa Giunta o dae sos consizeris.

Sas Cummissiones ant finas su còmputu de cussizare e de controllare s'operadu de sa Giunta.



- **Presidente Consizu Regionale Sardigna: Piero Comandini**
- **Vitzepresidentes Consizu Regionale Sardigna: Giuseppe Frau, Aldo Salaris.**
- **Sa provìntzia de Terranoa-Tèmpiu at duos Consizeris in sa majoria: Giuseppe Meloni e Roberto Li Gioi;**
- **Sa provìntzia de Terranoa-Tèmpiu at finas tres Consizeris in sa minoria: Cristina Usai, Giuseppe Fasolino e Angelo Coccu.**


LIMBAS DE MINORIA E LEGES DE AMPARU.

Una Limba de minoria est sa Limba Mama faeddada dae una comunidade, cun propiedades linguìsticas diversas dae sa limba natzionale, e chi est in una situatzione de minoria de fronte a sa limba ufitziale de unu logu.



LIMBAS DE MINORIA E LEGES DE AMPARU.


S'Istadu Italianu at reconnotu 12 limbas de minoria (sarda, catalana, albanesa, germànica, greca, islovena, croata, frantzesa, franco-proventzale, friulana, ladina e otzitanu) e in su 1999 at emanadu sa lege n.482 pro amparare e promòvere s'impreu de custas limbas.



LEGE 482/1999


Sa lege n. 482 de su 15 de nadale de su 1999 previdet **mesuras de amparu e valorizatzione de sa limba sarda e de su catalanu in sas iscolas maternas, primàrias e secundàrias a curtzu a sa limba italiana.**

At ufitzializadu s'impreu de su sardu in sos òrganos pùblicos comente comunos, comunidades montanas, provìntzias e regione, e in sa publicatzione de atos in sa limba minoritària, ma ammentamus chi sa chi at valore legale est sa versione italiana.



LEGE REGIONALE N.22/2018

Fiant abarradas a foras de custa lege su **Gadduresu, su Turritanu e su Tabarchinu** cunsiderades variantes italo-romanzas e variedades alloglotas de orìgine italiana. Sa Regione Autònoma de sa Sardigna, però, at detzisu de impitare **unu printzìpiu de solidariedade intre sas comunidades linguìsticas suas**, includende totus sas chimbe limbas de s'ìsula in sa lege regionale de amparu, **sa n.22 de su 2018**. Duncas fintzas su gadduresu, su turritanu e su tabarchinu podent gosare de sas medidas regionales e istatales de amparu e promozione de su plurilinguismu.



Traballu a cura de s' Istitutu Chircas



**REGIONI AUTONOMA DI LA SARDIGNA
REGIONE AUTÒNOMA DE SARDIGNA
REGIONE AUTONOMA DELLA SARDEGNA**



Progetu Finanziadu dae sa RAS cun sa L. 482/99 e sa L.R 22/2018

- Annualidade 2024 -